



09677

校梓馮恭定公全書

欽命總督陝西軍務兵部右侍郎兼都

察院右副都御史鄂壽參閱

欽差提督學政陝西按察司僉事洪琮重校

嫡孫馮澄澄若重孫續先校正

元孫德馨世澤

馮恭定公全書




康熙癸丑仲秋望日重刻

刻西軍錄兵部右侍郎兼都

察院右副都御史鄂壽參閱

欽差提督學政陝西按察司僉事洪琮重校



識言



亦六



卷之六

蓋屋後學李顥

余生平徧閱諸儒先理學書自洛闔
而後唯馮恭定公少墟先生集言言
純正字字切實與薛文清讀書錄相
表裏而辨學錄善利圖講學說做人

馮恭定全書

卷之六

一

說開關啓鑰尤發昔儒所未發尤大
有關於世教人心張南軒嘗言居恒
讀諸先生之書惟覺二程先生書完
全精粹愈讀愈無窮余於先生之集
亦云總集板經明末之變毀于兵燹
讀者苦無從得余久欲覓有力者重

壽諸梓而機緣未遇私竊耿耿頃學
憲洪分訪余論學因言及斯集遂慨
付剞劂以廣其傳惟是先生至今尚
未從祀識者以為缺典昔東林吳觀
華真儒一脈序謂西北有關中之恭
定山右之文清東南有梁溪之端文
忠憲皆頎然為天柱地維後有具隻
眼議大廷之典者知儒宗一脈的有
其派而千古真常蓋決不容漸滅也
余嘗以為知言世不乏主持名教表
章先賢之大君子敬拭目以望

馮少墟先生集序

少墟馮先生讀中秘書拜西臺風
節文章有聲宇內立何言伸而身
退里居掩關九載精研契悟講明
命聖人之學從者如歸門下士多至
千餘人一時稱關西夫子云余適

馮恭定全書

序畢

奉

命按秦得卒業所著辨學錄疑思錄
善利圖說學會約諸書十數種扶
關啓鑰多發前人所未發辨學錄
參勘源頭最為得力大要排距二

氏似是之教尤謂釋家言竄蝕吾

道變幻其說舍筏超津即宿儒慧
士間不覺墮彼瀆中是可患也故
茲錄其言甚辨其理入微不直刻
滌末流所由失直力剖本始所由
分昔人云儒釋差之毫釐謬以千
里此直云儒釋宗旨原隔千里絕

無毫釐之似至其言心則曰丟過
理說心便是人心惟危之心即有
知覺是告子知覺運動之覺佛氏
圓覺大覺之覺其言尤為痛切當
幾覲體直下信及直下就性命落
根真為數百季間聚訟之庭判未

了公案嗚呼渺論哉竊觀先生學
貴有主不貳以二不參以三用貴
實踐捨貴祇初不為虛恢媮縱者
所借託夫有主則應千變而不可
惑實踐則究必到而不可欺祇初
則神常惕而不可懈屹砥柱以遏

洪流堅鍵關以楹象會其風窸然
惡可而言不以觚見之也其于本
也弘大而闢深其于宗也調適而
上遂矣儻所謂承前啓後非聖弗
遵非經弗由好修篤至身任先覺
者非邪蓋道學肇自虞廷講學創

自洙泗至宋諸君子始紹繹章明
之紫陽集諸儒大成推宗河洛然
於呂游楊謝猶斥其浸淫佛老不
少假相友善者如陸呂兄弟亦詆
罔子靜子約學傍近似而涉異端嗟
夫洞宗獲真憑虛失據學術小襟
濫觴靡止意念深矣

國朝薛文清獨尊紫陽云多聞見而
後卓約弗為荒幻徑獵讀書錄令
人稷乎有余思關以西稱呂文簡
誠敬真篤正經息邪具載所著內
篇中卓然醇儒先生其滌泗呂薛

合派紫陽而滌源洙泗乎是故其
辨學也脉然若獨繭之絲凜然若
春水之冰厚其防若千丈隄之不
可潰遠其畝若風馬牛之不相及
庶援彼入此推此附彼惚恍連犴
誦詭自恣之言無所假途而寄其

譎今日者賴先生濬心敏行烜然
使學人耳目再一新已關中數十
季來道脉大暢文簡得輿先生超
乘俾橫渠之緒迄今布濩流行而
不韞韜炳炳麟麟豈不懿哉先生

家食父

主上行且賜環虛孤卿三事待之行
將以道德為事功是其土直將猶
陶鑄宇宙者也若夫集中諸摛撰
歌咏自爾有德之言質有其文行
之必遠故合刻而為之序使學者
知所嚮方其願可探也

馮恭定全書

序

六

萬曆壬子仲冬長至日

賜進士第巡按陝西監察御史前奉
勅巡按直隸等處兵部員外郎中書
舍人新安畢懋康撰



嘗聞先儒之言曰見到孟子道性善處
方是見得盡不佞亦曰見到先生說心
說理處方是見得盡真令人心悅意懽
莫可云喻者且大集中即單詞隻語往
往使人乍泳而躍然湛思而未罄枝葉
華萼無不歸根江河益益皆可得月惟

馮恭定全書

序畢

七

是樸檄之筆又何能贊一詞兼以日來
諸務緝集所夕拮据所不能視殮者若
而所所自甲而達戊曉不交者若而宵
又無遑問文墨之事愈覺腸枯筆澁小
序率率塞白譬若從整敷而度高乎泰
山懷汎濫而測深乎重淵亦未至也惟
大加郢斤幸甚

馮少墟先生集序

天地之性人爲貴人而不欲虛其
貴也則學爲先學以聖人爲的而
聖人之道原在吾心苟非見之徹
命踐之實而孳孳弗能已即欲盡性
至命何由焉翼聖夙聞馮先生遊
神洙泗潛心聖學茲奉

馮恭定全書

序

一

命督學秦中得先生諸錄讀之輒豁
然曰如先生之於學也所謂見之
徹踐之實而孳孳弗能已者非耶
蓋余嘗讀易至於天下雷行物與
無妄而知天之與人體自無妄所

謂繼之者善也唐虞之精一禹湯
之祇懋文周之敬止思兼無非盡
此性完此善也仲尼遠宗近述真
萬古一聖矣然其志學也所志何
物其從心不踰矩也矩為何物統
之此性此善也而孟氏則直指本

體曰性善自釋氏者出創為理欲
雙遣之論曰不思善不思惡是本
來面目而世且紛然好之遂使楞
嚴圓覺諸書與六經爭道而馳而
妙明真空等諦反俎豆于吾儒之
上其欲渾而一之者曰吾儒之無

聲無臭何別於佛其欲兼而收之
者曰吾道廣大何所不容然而世
之崇釋者夥矣豈惟寂滅枯槁無
用於世而猖狂自恣者卒至縱欲
敗度瀆法亂紀及詰之則曰萬法
本空如夢如幻安用束縛為清談
亂晉浮屠亡梁禍實本此而闢之
者且曰儒與釋差之毫釐嗟乎惟
其有毫釐之說此異端益得操戈
也而先生推窮其本直斷之曰善
惡俱無與性善之旨迥然不同則
其千里懸隔也不在末流已在發

端此何等痛快直截也且曰人心原是活的無善心便有惡心原無一切俱無之理反覆發明無餘蘊焉儒佛老莊混為一塗之弊可不攻而破矣豈非發前賢所未發而揭聖學於中天乎夫學患不得其

源耳惟於性也而見其善則溯觀於天而認所為於穆矣還觀於身而認所為降衷矣認善既真則不善之萌也不過不已善之萌也不擴不已發於事親則為孝發於事君則為忠愛則為仁宜則為義通

則為智貞於視聽言動則為禮一
於常變順逆則為信其寂然不動
也則未發為中其感而遂通也則
中節為和闡於文章則非虛車顯
於功名則非權術微於廉介則非
矜激衆理萬善沛然洋溢於天地

馮恭定全書

序

五

萬物之間而粲然宣著於綱常倫
理日用云為之際譬之源頭活水
生於天一出於山下漾而為江河
漫而為湖海機容已乎不容已乎
先生之於聖學也思而疑疑而復
思辯之必欲其明而講之必欲其

透日兢兢於慎獨崇禮凜凜於利
善聖狂一稟諸規矩準繩而有所
弗能已豈惟踐之實由其見之徹
瞭也然則先生之洞見性善也闢異
端在此脩聖學在此成已在此成
物在此教天下後世在此豈非一

以貫之者耶或謂翼聖曰君何信
先生之篤也翼聖曰余觀先生立
朝以直聲著居鄉以恂恂著環堵之
室蕭然寒素杜門著述足不履公
庭門不耳其教則瞿然顧化其出
而任官者輒以廉吏顯翼聖謫先

坐請益則瞻之儼然就之溫然其
詞之婉也曲而中引人於善令人
樂從而弗覺其詞之確也則雖孟
賁之勇萬夫之雄弗能奪焉

主上方虛公孤以待先生而先生囂
囂然可以達道可以求志一切世

馮恭定全書

序

七

念毫不以動乎其中周程張朱之
蘊身體而言闡之矣世之庸人與
鄉愿既同流合汙鮮所振拔而異
端之害道又滋甚向非先生篤志
聖學淑身以淑世起流俗而闢異

端則洙泗一脉將安賴哉翼聖雖

不敢暴棄而賦質昏愚何幸遇先生得一發蒙也茲錄也殆將不朽信先生者直錄乎哉有先於錄者矣

萬曆癸丑季冬

賜進士出身

馮恭定全書

序

八

欽差陝西提督學校按察司副使新安洪翼聖撰

計共生書直錄字若自委於雜錄

由書一發蒙也茲錄也殆將不朽

不類暴棄而賦質昏愚何幸遇先生

少墟馮先生集序

予生平所藉以切磋者北地自吾師
青州朱鑑塘先生外則有我疆孟
公洪陽王公中州心吾呂公雲浦孟
公此五君子者大儒也我疆常挾被
過舍中人皆迂之孟先生曰予不知

馮少墟集

八序

鄒

一

鄒君為吏部郎也吾師友兩孟王公
俱為泉下人常念之潛然不禁歸而
離索日久曰安得此師友以摩切予
朝夕聞秦中少墟馮公繼五先生力
肩正學心嘗儀之會友人周鶴峒觀
察既元標集曰子不可無一言以諗同

志予拜而卒業大都謂學必有宗
吾儒學以理為宗理必操而存
如寒求衣飢求食其誘人也如春風
煦物其拒諸說不使闖入也若操戈
禦巨寇夫使闖閩學晦而復朗者公
也此世儒皆能知之然公之入微人未

馮少墟集

序

二

易知也公示曲阜諸生曰舉躍盈眸
皆是鳶飛魚躍現前篤信聖人能
無出入篤信自家始為不離卓乎淵矣
以唐一家學名者非所以觀公也道非
一人之道也必六通四辟始無所不入
無所不受公學雖有宗然於新建亦

極篤信曰致良知三字洩千載聖學
之秘有功吾道甚大雖不能疑無善
無惡一語又曰非無善無惡之說并
非致良知之說者俱不是蓋公不欲
以虛無寂滅令後學步趨無據非
虛而公明而溥者安能之彼世儒入

馮少墟集

序

三

主凶奴妄築垣塹者眎公何如哉易
之主爻潛見惕功而密矣曰或躍
在淵者或之者疑之也疑則淵之與
天上下懸殊不疑則位乎天德天德不
可為首惟吾夫子足以當之其餘即

顏子猶一聞未達三標東駿問學九

折羊腸褰裳凡幾而致、疑情未斷
夫一絲未斷對面河山敢自以為質
往詔來無疑公疑思錄曰吾斯之未
能疑即夫子啓漆雕開之何以過此
夫吾儒患不能疑耳一息尚存此疑
不懈九天九地何之不入願與公終

馮少墟集

序

四

身請事焉嗟乎華嶽峯峯造天黃
河瀕洞無涯代有巨儒橫渠之後明
有仲木今有仲好可稱鼎足可以張
秦亦可以張明矣予與公天假之緣
得一合并其所請事者在顧予老

矣莫往莫來悠、我思知公有同然

也 皆

萬曆癸丑仲冬侍生吉水鄒元標

爾瞻父頓首拜撰

直隸四卷



馮少墟集


序

鄒

五



直隸四卷



直隸四卷

馮少墟集 直隸四卷 序

此書...

馮少墟先生集序

聖門之學至中正至平實而天下之
驚高奇者無當也濂洛紫陽諸君子
當漢唐寥寥後相與章明經術力排
似是而非之謬而聖學始揭日月而
行中間若象山陽明兩先生其悟道
蚤其見地高其平生操脩固卓然靡

馮恭定全書

序

姜

一

間而獨其所為衡量徃哲辨難同儕
指點後學者或微涉顛造徑詣夫世
或有顛造徑詣之人而無顛造徑詣
之教二先生以見地為教故其門人
得二先生精意者徃徃振拔于問學
名節一時稱極盛而失二先生立言
本指者或藉解悟廢躬行或意圓融

開方便其流之弊衛道之士不能無
隱憂焉而况沿波流而彌下焉者乎
秦中少墟馮公子自辛卯歲視秦學
曾識公都門比予垂去秦而公以按
宣大移疾還里嘗請公齋中圖書四
壁泊如也予慨焉悵公歸之晚而予
行之遽而嗣是公再入都更以直道

馮恭定全書

序

二

繼歸而下惟林卧與秦人士講明聖
賢之學者二十餘年而公之集始成
侍御東郊畢公按秦中亟梓行之而
予門人鄢陵令張君舜與公同志友
也持公集暨公書來屬予序予受而
卒業若闕中書院記韓昌黎原道之
篇之所不能言當與定性等書並若

辨學錄疑思錄及它論學語嚴正學
之防謂異端本非是不得謂之似是
而于以痛懲末世廢脩言悟課虛妨
實之病中間至言精義多程朱諸君
子所欲剖析而未盡者如云或問天
命之性無聲無臭原着不得善字曰
天命之性就是命之以善何消着益

子道性善政直指天命之初而言耳
又云吾儒所謂善就指太虛本體而
言就指目中之不容一屑而言非指
景星慶雲金玉屑而言也又云人之
病正在無善乃反以無藥無豈不益
重其病而速之曰乎又云人心原是
活的如無一分善心便有一分惡心

又云易有太極乃天地自然的故無思為有太極而無思為有物則而無聲臭乃吾儒正大道理若舍太極專講無思為舍物則專講無聲臭有是理乎又云孔子七十而從心所欲不踰矩文王純亦不已若孔子謂我得矣便放開便是踰矩文王謂我得矣

便放開便是已其何以為聖人後世學者只是越過守浮慕化所以敢于放開率至于流弊不可言又云謂之曰理自是無障謂之曰障還不是理又云世之砥節礪行循規蹈矩而不聞道者誠有之矣未有真能聞道而不砥節礪行循規蹈矩者也又云不

質鬼神不可以言學不慎獨不可以
質鬼神又云一本大學都是釋格物
不必另補格物傳又云述而不作不
是聖人謙詞後世天下不治道理不
明正坐一作字又云只為志毅一念
不知壞古今多少人又云克已有當
下斬釘截鐵意不行頗費工夫不能

遽拔病根然亦克已之一法也又云
問豫立之意曰豫字即下文擇善固
執博學審問慎思明辨篤行又云近
世學者不論心之懈不懈理之明不
明而動稱不須防檢不須窮索以為
玄妙是中佛氏之毒而借明道先生
以自解者也又云隨時變易而不從

道則小人而無忌憚是故君子無輕
言時公論辨若此等類翼往哲詔來
者砥頽波衛世道即令聖人復起宜
無以易斯言真洙泗之耳孫濂洛紫
陽之嫡胤也蓋予二年前聞公著有
善利圖說心疑之舜蹠善利迺孟子
提醒人心最剴至語安所煩圖說為

已而讀公圖說曰中間無路曰聖狂
分足處善念是吾真若要中間立終
為蹠路人嗟乎此仲好先生所以為
仲好者也視象山先生鷲湖辯論晦
翁聞而心折一時聽講人士相與感
動流涕者不尤直截痛切哉公又數
舉高陵呂文簡公時時以改過安貧

四字勸學人為同游告夫改過安貧
二義論語六藝諸篇中蓋珍重言之
末世視為卑淺語若無其高論者非
文簡公暨仲好先生亦能為此言予
居恒謂講學非難本之身心真有以
自得為難其撰著論駁真足以正虛
幻之人心障茅靡之世教為難否則

馮恭定全書

序
美

七

雖言高于秋旻藻于春華柰何言學
也公于象山陽明二家言若相辨難
實相成真二先生益友矣東郊畢公
持節省方特崇經術表章公集功在
天下與後世真紫陽先生同里若張
君舜典與公下上問辨最深研又最
精詣厝之鄆陵以政為學蔚有三代

以上吏道風其得于公之廟切者遠矣可謂有志者也

撰 萬曆癸丑嘉平月丹陽姜士昌仲文



馮恭定全書

序
姜

八



萬曆癸丑嘉平月丹陽姜士昌仲文
撰
萬曆癸丑嘉平月丹陽姜士昌仲文
撰
萬曆癸丑嘉平月丹陽姜士昌仲文
撰

馮少墟先生集序

聖賢之學學為人而已而人之所以有生者獨軀壳也乎哉天生蒸民有物有則孩提之童無不知愛其親也及其長也無不知敬其兄也此豈煩教戒束攝乎唯是情滋智鑿日失其所以為人之理故名為人而實鄰禽獸故孟子常就

馮少墟集

序

安成

其發動端倪拈出以詔天下曰乍見怵惕曰呼蹴弗受皆卒然觸之而本心便不容不如是應者故知卽心卽理物外無則而踐形順則存乎其人是以大學首揭止善中庸究歸明善蓋皆實實見有此理為人之不可須臾離者夫然故緝熙非寂照恂慄非苦空而戒慎恐懼

非從事於虛無斷滅之歸者夫然故吾
儒之學為廣大而精微為高明而中庸
為費而隱為微而顯為下學而上達而
始終本末一以貫之輓近學子不得聖
賢以為依歸而一二好奇弔詭者影證
覺體遂以為心無善惡無事修持倡偈
焉鼓天下而趨之則性犯柳性湍水而

馮少墟集

序

女成

仁義果必戕賊為矣幾何不率天下而
遍滿無忌憚哉仲好侍御力持正學刊
洛詖淫自昔辛卯不敏於都下領承心
折久之繼先後以言事罷去而仲好造
日益深所著有疑思辨學諸錄及善利
圖說諸書院講語媿媿若干卷直從危

微精一闡發理會如朗日中天而近世

談空說無熒惑人耳目者掃之不遺餘
力烈矣哉仲好之功豈在孟氏下乎而
予且瞠乎後矣然仲好猶冲然不自信
屬有起予之望予何能贊一詞憶昔有
問於先文莊者曰程子謂在物為理將
理外乎先文莊曰且看大字云何夫程
子亦曰心之在物為理心之處物為義

馮少墟集

序

安成

三

故曰體用之謂也予恐天下或外心覓
理而不深察於仲好惟一之旨故附此
為請益地要於知言亦剩語耳

萬曆甲寅歲孟冬月旦安成年弟鄒德
泳汝聖父拜撰



昔吾夫子歎天下無聖人君子而思善
人有恆非以聖人君子爲絕德也善人
者生而善者也有恆者忠信之人也故
曰無而爲有虛而爲盈約而爲泰非有
恆也自古無不學之聖人亦無不學之
君子善人有恆可以爲君子以至於聖

人而皆不好學何則彼固生而善生而
有恆也且其列於士人之林則亦嘗從
事於學矣以爲吾自不爲不善何必更
學夫資質之美者既不好學而二人者
之外又皆困而不學天下安得有聖人
君子也聖人尚矣世有君子必講學以
明道使彼二人者皆能爲君子與之持

宇宙而康民物然所講者必聖人之學
乃可耳若馮少墟先生者可謂明於
聖人之學者也夫明於聖人之學然後
能行行之與明固非有二也今夫學射
者不操弓矢而談射非惟必不能射其
所談者必無當於后羿學奕者不涉碁
局而談奕非惟必不能奕其所談者必

無當於秋儲行之生熟而明之淺深隨
之不能行而徒以其意想測度談道未
有不差之毫釐謬以千里者若少墟先
生之於道則可謂允能行之者也何以
知之其所講者平淡而融徹平淡者聖
人之正學也融徹者其體會真也今論
語孟子之書具在論語所載夫子之言

有一語不平淡者乎然至玄至妙在其
中矣此所以爲聖人之言也孟子則闡
明論語之言而時露其玄妙固聖賢氣
象之殊要亦覺悟後學有不得不然者
夫語聖學之要則一敬盡之矣即致良
知之說未若敬之一言正大而無弊也
後之講學者又過爲玄妙舍所戴之天

而言九天之上又言無天之天舍所履
之地而言九地之下又言無地之地此
與白馬非馬之辯何異愚者不必言矣
忠信之人必聞而駭之以爲妖言夫吾
之所望以共爲君子者在忠信之人而
先令其駭則天下無復可與言學者適
足以號召懦詭妄誕之徒爲斯道蠹是

以少墟先生之言是真能學聖人者也是真能爲君子者也是真能使天下人爲君子者也先生進則直諫以匡時退則脩身以正人是謂知行合一天下之真知也言行相顧天下之至言也余反覆先生之集想見其心極虛其量極廣其救世之念極切如是而有言安得不

馮少墟集

序

趙

四

洋之秩也瓏璽其音者其質玉乎豈不然哉余受先生之益多矣先生不鄙而命爲之序余欣然命筆而以請正於先生焉

萬曆甲寅秋七月高邑趙南星頓首謹



道未始有敝也而任之者人人殊焉記
曰君子之中庸也君子而時中小人之
中庸也小人而無忌憚也君子小人之
中庸豈有異哉然一得之以時其中一
以恣其無忌憚之為至其無忌憚也則

馮少墟集

序

一

亦不得為中庸已矣孔子倡學洙泗蓋
逆知後世之學有出於此者矣故綉繆
於仁義禮樂之文諄復於天人理欲之
辨而未嘗輒及於道豈聖人不欲人之
蚤有知乎晚宋諸儒不得夫子之意保
殘守陋至於晦塞而不明自白沙陽明

二子出知其模放似而非真誦說多而
迷始也直揭本體以示之乾坤載闢而
日月重朗學者當事逸功倍以直躋聖
人之域而無難徐而察之乃有不然者
何歟少墟侍御與余同館閣之遊余不
自量以學相切劘者三載乃散去諸君

馮少墟集

序

焦

二

子率過信余而侍御之嚮余尤篤今別
十有九年聞方聚徒講學任道甚力頃
得其論著所為追琢於念慮檢束於躬
行者詳哉其言之也而於性與天道有
不數數然者豈侍御之學而有未至歟
將別有說歟迨內覈於身心而外驗之

朋輩乃霍然而寤始知侍御之自有主
謂而余之所窺有未盡也聖人者有道
有器守於器者階循等歷猶有所執而
不踰蓋潛心者可繇是為上達之階而
不能者亦可以寡過乃道之未明而務
擺落古人之形迹將蕩然無復可守之

馮少墟集

序

三

矩度而移遊茫昧反易為浮誕惰縱者
之所托以余觀於世蓋往往然矣君愛
身潔已不稍以非禮自點前圖史而後
珩璜如慶子之在閨其以先儒之矩矱
導揚闡繹滙膈敷賢語盡而情忠惟恐
彼之不喻於我而我不悉於彼也豈將

以是為閑先聖之道之具而防學者之
末放也歟雖然言所可及思所可至者
非至也言不能及思不能至而豁然還
其本心孟子之所謂自得之也自得之
則居安資深取之逢其原朱子所言不
費推移而中流自在者庶幾近之矣在
馮少墟集

序

四

侍御勉之而已余與侍御相期者遠既
以侍御之誨自勗而復以此語進觀者
將無以為孟浪之言也夫
萬曆甲寅新春瑯琊年弟焦竑書



馮少墟先生集序

夫道生人失其所以為道則失其所以
為人矣誰甘於失其人而每失其道弗
思耳道貫於血氣之質弗相離也離
道而抱空質焉與土梗何殊乎是道
也其大無外或狹而小之其密無間或
斲而斷之其粹無滓或然而鑿之是故學

馮少墟集

序

一

為急焉學也者恢廓而使之大綿聯
而使之密滌盪而使之粹也道不待學
而有而此學無以保其有非學無以
汲其有非共學無以共其有故
孔子蚤歲志學沒齒不厭也然學之難
言矣性天之真本中有本胡以徹之

知見之紛岐中有岐胡以析之習情之

錮忽醒忽迷胡以覺之是用連朋講究
互參證以求至當相美持而防墮落

故

孔子以不講為憂也夫道需學之需講

有不彙饑之食寒之衣者而講學罹世

訾昨盡世之尤也不學之士患在不講

講學之士患在不副或亦艷為美稱

馮少墟集

序曹

二

擔簦聊聚朝之間茲歲之不越闕辟

露背而談九容揮玉塵而稱儉素於

我乎何有故

孔門之訓無行不與夫惟相與以行則學

為真學講為真講而萬世宗之無

數也少墟馮先生沉潛聖學踐履萬

至問業之士如雲而笑出惟有故似

闡揚劉賓衛道謹嚴蓋亦以行為講
以行為學者也道不在茲哉昔有問
楚侗先生以天命之性者先生方歛衽
解其人曰意公自言之其性耳先生為
之矍然慕岡先生會友於白下凝然相
對或曰馮公何無講座上曰此人渾身
是講其志旨於論講矣亦不肖仰先

馮少墟集

序

曹

二

生之行有年茲誦其講道之集著而
卷而窺君子之慥也敬綴數語志向
往焉

萬曆乙卯秋八月朔日安邑曹于汴謹

撰

序少墟馮先生集

在昔己丑之歲庶常

吉士二十有二人

天子命少宗伯田公為

之師而金陵焦弱疾

馮少墟集

序董

以理學顯門為領袖

是時同儕多枉年

感氣不甚者弱疾語

惟會稽陶周望好禪

理長安馮仲好好聖

學時與弱侯相激
揚仲好冷面骨人也
孝端居晏坐茹淡寔
營文字之飲鮮所微
逐吾黨愛周原之簡

馮少墟集

序
董

二

易而憚仲好之矜莊
不敢以押進私戲之旨
此食生猪肉者謂其
有恙於兩廡之間也余
改以情急歸越歲還

朝遇南昌劉切安於
淮陰為仲好五岳起
方寸也曰三秦大邦仲
好修士且閤試之甲乙
不在人後而有上下其

手者竟得西臺何也
余曰子休矣謂承明著
作之廷之以滿仲好志
耶居久之有
詔屏逐諸言者而仲

好和坐度且二十一年
矣仲好無幾微字騷
不平之氣乘而益湛思
於學脈蓋寤寐寐洙
泗折衷灑灑維一稟

馮少墟集

序董

四

承於先覺而獨證獨
創自為一家之書今
所刻信錄紀序待款
尺牘雖著十餘字言
是已異時講學先生

微言不立而徵信或
希仲好獨以躬行為
券學者觀其酬應取
予細微遠次之際無不
心折意消故富然宗

馮少墟集

序董

五

之曰關西夫子而朝士
想聞其風時以入告翼
備細旃之聽夫康之爵
以布衣召見文清以
陳臬爰立坐蒲之任

豈復借資於官秩
而况仲好園文學侍
從之臣乎哉多以仲好
卜世運矣余迴環參
寔全集宗旨若有悞

馮少墟集

序董



六

入而諸序者業先之
不復歷贅獨以諸君子
所見者江漢吞天浴
日之後而余所見者
岷嶠發源汎觴之物

蓋仲好學為醒人之
志定於庶常時而今之
充實光輝不離本來
骨相也崔侍御六子
里外屬余為序余既
幸附不朽又以慨周
宣切安皆不及覩也嗟
乎士固有不為多一
少為少多已丑固能得
仲好足稱感矣

歲在戊午、華亭年

弟董其昌撰并書



馮少墟集

序董

八



Faded vertical text on the left side of the page, possibly bleed-through from the reverse side or a ghosted impression.

馮少墟先生集序

少墟先生余同年馮仲好也仲好少即志聖人之學由庶常吉士為侍御史言事罷歸閑關九年精思力踐而於聖人之道始沛如也所以在講學論道為集凡二十二卷余

馮恭定全書

序高

受而卒業焉作而嘆曰此真聖人之學也聖人之學之難明也蓋似是而非者亂之其差在針芒渺忽間不可不辨也今夫入目則能視耳則能聽手則能持足則能行視聽持行者耳目手足也所以視聽

持行者何物也凡世之不知學者
皆覲面而失之於是也然而目之
視貴其明耳之聽貴其聰手之持
貴其恭足之行貴其重所以聰明
恭重者何物也凡世之知學者又
往覲面而失之於是也然而目

馮少墟集

序高

二

之明非我能使之明目本自明耳
之聰非我能使之聰耳本自聰手
足持行之恭重也亦然其本來者
又何物也世之知正學者又往
覲面而失之於是也耳目手足者
形也視聽持行者色也聰明恭重

者性也本不如是莫知其然而然者天也此所謂本體也本體如是復還其如是之謂工夫也脩而不悟者徇末而迷本悟而不徹者認物以為則故善言工夫者惟恐言本體者之妨其脩善言本體者惟

馮少墟集

序高

三

恐言工夫者之妨其悟不知欲脩者正須求之本體欲悟者正須求之工夫無本體無工夫無工夫無本體也仲好之集至明至備至正至中非脩而悟、而徹者不能真聖人之學也吾特于其集中示人

最切者揭而出之以見似是而非者亂吾聖人之學其端蓋異於此也

萬曆癸丑秋七月錫山年弟高攀

龍書

馮少墟集

序高

四

齋書

萬曆癸丑秋七月錫山年弟高攀

少墟也仲好之集卷明齋書

齋書

齋書

馮少墟先生集叙

儒束髮竊有意于性命天人之間每謂
訓詁詞章非學也而制舉義尤甚自少
迄老沉酣於患得患失之途而不得出
于是吐青衿去之差覺耳目肝膽始為
我有而所謂性命天人之學亦輟不談
或詢之予曰吾有會于羣龍無首之旨
馮少墟集

序

一

也今夫龍旱者欲得其霖渴者欲得其
珠乘風雲而上下者欲得其騰擲變化
之勢則餘姚而後龍溪已然矣數年來
談理學者獨闕西少墟馮公聲跡俱闕
北面而事者嘗數千人而莫敢有訾議
則何故余嘗卒業全集而後知公之無
間然也公之學戒空談敦實行即有商

略母及朝廷利害遠報差除母及官長
賢否政事得失母及家門私事母及詞
訟請託母譏彈前輩母傾陷同袍崇儉
德以敦素風酌往來以通交際嚴稱謂
以尊古誼絕告訐以警薄俗周窮約以
厚廉靖卹後裔以慰先德種種會約一

見于寶慶再見於閩中非特發節擊蒙

馮少墟集

序陳

二

移風易俗凡向來講學之流弊士大夫
積習之膏肓悉從公道眼覷破親手拈
出病根已淨然後與之梁肉又然後與
之上藥禁鬱則公疑思有錄訂士有編
善利有圖太華諸會語是也峻二氏之
隄防抽六經之扁鑰聖賢為神豪傑為
魯華嶽為骨黃河為舌讀其書可以望

而知其人矣。儒也，鄙無能，蠡測管窺，即
有揣摩度，不出諸名公弁語上。獨喜公
終日講學，而若未嘗講學。終日聚徒，而
若未嘗聚徒。不冬門，別戶，不挿標，樹羽，
不走時局，不握朝權，不招射的，逍遙環
堵之中，超然免于言論之外。非踐履嚴
明，涵養精潔，何以有此。出則名真御史，
馮少墟集

序

三

退則名真大儒。是本朝孔庶間第一流
人物也。詎止與張橫渠、呂涇野、鼎足關
西而已哉。不佞儒懷中一瓣香，今請為
少墟公禮却矣。公門限不執，蘇海陽

華亭陳繼儒撰

陳繼儒

蘇海陽

重刻馮恭定先生全書序

講學之說起自論語子曰學之不
講是吾憂也夫子所謂講學即
講德是如何脩義如何從過如何
改只是一事非有四段工夫此孔門
講學家法也孟子顧學孔子正人

馮恭定全書

卷序

心距邪說曰予豈好辨哉予不得已
也及孟子沒而其傳泯焉後世遂有
以學術殺天下者矣二程夫子不恤
浮議毅然以講學自任紫陽朱子
始條列白鹿洞書院講規嘗謂河
南程氏兩夫子出而始有以接孟氏

之傳夫二程之學得之濂溪然濂溪精於學而不大講至聚徒講學自二程始向非程朱之講則濂溪之學其孰從而傳之關中講學肇自張橫渠先生當其勇撤自平比以及屏居橫渠無在不講知禮成性變

化氣質之道學凡如聖人而後已其言曰為天地立心為生民立命為往聖繼絕學為萬世開太平此皆講學也傳稱先生為學而不欲講曰學者不務蓄德祇益口耳程伯淳開之曰

道之不明久矣人善其所習自謂至

足如必孔門不憤不啓不悱不發則
師資勢隔而先王之道或幾乎熄
趨今之時且當隨其資而誘之雖
識有明暗志有淺深亦各有得堯
舜之道庶可馴至橫渠用其言故
關中學者躬行之多與洛下並是

馮恭定全書

法序

三

其爲世道人心計者蓋深且切也馮
少墟先生弱冠入心學書院從許
敬庵講學在翰院與同志立會講
學著做人說出爲御史按部進諸生
講學著訂士篇罷歸講學實慶
寺著學會約善利圖辨學錄問

業甚衆關中爲立書院著關學編
諸書召入副憲與鄒南皋會講都
城隍廟環聽如堵墻十三道奏建
首善書院歸疾作易篲猶悵悵
以講學做人爲遺訓先生一生著
述皆講學之言自少至老皆講學

馮恭定全書

卷中

四

之事嗚呼何其勤也人每言異端是
發端處與吾儒異辨學不可不精
大學格物即是講學難與並爲
仁即是魯子仁處故曰甚過並字
當下識仁甚過忌字當下識人然爲
爲繡出憑君看莫把金針度與人

壞人心術不小善字從羊從言善
不言不明物之善羣莫如羊老子
樂與人羣故莫大乎與人為善又
論末世講學有異端越俎操戈三
大弊以為戒故聽其講者如呼人
之寐而使之覺如叩鐘大以鳴小

以小鳴如睥盤示兒無所不具聽
其自取如白日當天遠近皆照如時
雨潤澤處亦沾足是真有八荒我
闡一息萬年天地為心萬物一體之
懷焉晉孔子不得位知者為賢於
堯舜孟子闢邪說昌教以為其

功不在禹下先生有詩救得人心千古在勲名直與泰山高則謂先生勲名直與華山高可也家光祿請勒先生善利圖於書院與白鹿洞教規相發明余生也晚承家光祿遺訓不及遊先生之門今從中孚

馮恭定全書

洪序

六

李子得先生全集梓而傳之以竊附於私泚之義至先生人品學問諸先輩論叙甚詳余又何贅焉唯是叙其終始講學之誠直接乎孔孟以來相傳之意則先生之書真聖道中天矣雖然講不在口耳先生

有曰講到無言處方知道在心曾
子一唯何消多說論語默識政從次
章講字來闡學一編曰堯舜一心至
今在諸君子其心至今在也若不
自見其心雖起橫渠諸君子共晤
一堂庸曉口耳此又講學微言也今
其書具在學者當自得之又豈
游夏所能贊一詞哉

康熙癸丑嘉平冬月

新安後學洪琮拜題

馮恭定全書

洪序

七



馮恭定馮少墟先生傳

先生諱從吾字仲好號少墟長安人也父諱友保定郡丞以先生貴贈通議大夫先生九歲通議公手書陽明個個人心有仲尼詩命習字卽命學其為人先生身體之弱冠以恩選入大學比歸許敬菴督學關中延正學書院與藍田王秦關講性理之學萬曆戊子舉於鄉明年成進士觀禮部政謂士君子卽釋褐不可忘做秀才時書壁自警朝會多飮中貴家獨携茶餅不與

馮恭定全書

傳

往也以庶吉士應館課不規規詞章曰文人何如聖人著做人說二篇惟與焦漪園茶鏡源徐匡嶽諸公立會講學既而改御史巡視中城司城者結首揆紀綱為厲疏斥之權貴歛跡天下不覲者不敢通苞苴都掌科胡某為政府私人九疏叅神廟俱留中先生列其狀得旨摘調神廟中倦朝講酒後多斃侍者先生疏諫切激下廷杖也以長秋節輔臣趙志臯救免一時直聲震天下命巡按宣大不拜請告歸與故友蕭茂

諸人講學寶慶寺著疑思錄六卷起河南道
巡鹽長盧清國課禽積書行部所至必進講諸
生著訂士篇新建用事台省削籍者強半先生
與馬策蹇西歸道宿村寺屬吏供帳以候者不
處也抵里日事講學著學會約善利圖說以忤
恆處一斗室足不至閭雖親友罕見者歷九年
始出仍講寶慶執經問業者日以衆當道於寺
東荆關中書院以居之庄居二十年非會講不
入城市一字不干公府疏薦百十上不報庚申

馮恭定全書

傳

二

光廟即位以少卿起次年熹廟改元始應詔歷
遷左副都御史邊左陷疏叅經撫置之法以紅
丸論李可灼又論廷擊之獄與發奸諸臣為難
者皆奸黨也黨入齒擊矣凡大獄力任之與同
官鄒南臯鍾龍源曹真予會講都城隍廟縉紳
士庶環聽者至廟院不能容或曰輦轂講壇謠
詠之罔也國家多事宜講者非一端學其已乎
先生曰正以國家多事士大夫不知學抱頭鼠
竄者踵相接也親上死長之義非講奚明鄒忠

介曰馮子以學行其道者也毀與禍福老夫願
與共之十三道奏建首善書院院甫成而人言
至矣先生與南臯後先去温旨慰留五請乃報
修撰文震孟御史劉廷宣請留同官鍾龍源高
景逸請回去時權璫猶收人望明年起少宰又
明季陞右副都掌南都察院事以疾辭尋改工
部尚書推吏部又以疾辭致仕家居杜門著書
忽降中旨褫其官璫黨桡釣者又使其黨撫關
中毀書院窘辱備至先生雖在病間正襟危坐

馮恭定全書

傳

三

屹如也丁卯二月以正寢終年七十二歲易箚
猶以講學做人囑其子若孫不及身後一語也
是歲逆璫誅詔復原官贈太子太保賜祭葬謚
曰恭定廕其後人復關中書院祀之嗚呼先生
之學以心性為本體以誠敬為工夫以天地萬
物一體為度量以出處辭受一介不易為風節
生平自讀書講學而外唯工書法不營產業不
畜妾媵不赴宴會不喜飲奕即園亭圖畫之玩
亦弗涉也四方從學至五千餘人尚論者謂楊

伯起張橫渠呂經野諸夫子而後一人而已余
束髮知先生名且聞書院興廢狀慨慕久之今
得拜先生於其理識其後人議復書院以祀以
教讀先生全集為先生傳

聞喜後學翟鳳翥頓首撰

馮恭定全書

翟傳

四

小像自贊

謂汝學邪何垂老之
無知謂汝不學邪何

自負之孽孽佛者是

距鄒魯吾師平生所

學惟毋自欺尚揮戈

於末路庶不愧此鬚

屑從吾

馮氏冢乘

像贊

四

馮少墟先生像贊

亭亭鶴骨噦噦鳳鳴德符春藹正氣秋澄萬

物同體一介必矜白玉絕類朱絲為繩茂叔

之胷中灑落子輿之壁立峻嶒聖脈獨契關

學大興自南自此如車指路橫說豎說如水

建矜其隱也太華增而重其出也黃河忽而

清豈待形求於巖野固將金鑄於

帝廷者邪



旋除善類依以推轂君子慶其得與展掌上
之經綸共謂可將可相揭區中之山斗豈止
異人異書直承正脈無忝大儒前有橫渠後
有少墟舍先生吾誰與歸

少墟徐皆頤問庸之華亭陳繼儒布衣

又
穆如春風瞻有道之儀容淵然太冲窺含德
之心胸澹泊無營者其純素之衷慷慨發蒙

馮氏家乘

像贊

五

者其啟牖之公同志景從鬱起一代之儒宗
邁往立隆身維百世之類風疏水鼎鍾浮雲
舒卷於太空霧豹雲龍虛游渾合於鴻濛若
少墟翁者殆間氣之所鍾而障狂瀾於注東
者歟

金陵朱之蕃

吏部右侍郎

又

望之嶽立嶙嶙峴峴即之玉映栗栗温温匪

年弟董其昌

禮部右侍郎

又

天清氣和杲日凌空陽春鼓暢萬景敷榮中
朝著蔡四方儀刑訂頑一脈千古斯文

安成鄒德泳太常寺卿

又

先生之氣凌華岳而直上先生之度納黃河
而有餘雄壓文壇鸞停鶴峙抄參道間魚躍

馮氏家乘

後贊

六

鳶飛游詞林耻學墨卿之章句拜柱史抗言
人主之是非萬夫莫挽廿載閔居公庭削跡
衡門晏如窮性至命訂頑及愚辨釋老之千
里析義利之毫釐道學歸于有用聖真不落
空虛弟子執經而從者臣教忠子教孝朋友
聞風而請者德相勸過相規舉動慎平居嚮
咲出處係世道安危濟川之舟向久橫於渡
口擎天之柱終借重於關西大理特召總憲

馮恭定先生全書目錄

卷一

語錄

辨學錄

卷二

語錄

疑思錄

卷三

語錄

馮恭定全書

目錄

疑思錄

卷四

語錄

訂士編

卷五

語錄

關中士夫會約

卷六

語錄

卷十 學會約

士戒

諭俗

卷七

朱語錄

寶慶語錄

卷八

朱語錄

善利圖說

卷九

馮少墟集

卷十

太華書院會語

卷十

卷語錄

太華書院會語

卷十一

卷語錄

卷六 池陽語錄

卷十二



語錄

關中書院語錄

卷十三

序

濂洛文抄序

關學編序

寓燕課錄序

呻吟語序

丁未冬稿序

馮少墟集

目錄

正學書院志序

砭己名言序

學翼序

辨學錄序

馮氏族譜序

理言什一序

薛文清先生全書序

聖學啓關臆說序

明道集抄序

思菴野錄序

理學平譚序

認字測序

秦關全書序

三

桃岡日錄序

東遊稿序

疑思錄序

馮氏家乘序

遊秦小草序

涇野先生語錄序

長安縣志序

越中述傳序

姜鳳阿語錄序

鄭溪書院志序

旌烈錄序

森玉館集序

古文輯選序

卷十四

說

做人說上

做人說下

講學說

夢說

天道說

名實說

勤儉說

孝弟說別孫生繩祖

馮少墟集

目錄

四

書孝弟說贈竊孝子

又書孝弟說贈馬孝子

顧用晦字說

箴

座右箴

贊

卷十秦關先生像贊

解

命解

論答金少氣致揚

答蘇原忠致中

論荀卿非士示子

閣試 答鄒南臯先生

聖之時論

館課 答李翼軒老

卷十五 蘇晉卷林炳

答朱平涵同年

記 答蘇原忠致揚

答喬師善同年

關中書院記

復性堂記

關中書院科第題名記

文入

書

答蘇原忠致揚

與友人論文書

館課

答同志問族譜

馮恭定全書

目錄

五

奉許敬菴老師

答李詢莢同年

書 答饒映垣同年

答蕭慕渠老師

答強睿菴侍御

與友人

答逯確齋給事

答涂鏡源中丞

答楊原忠運長

七 答喬裕吾同年

卷十 與楊晉菴都諫

答朱平涵同年

答汪明卿學博

答李翼軒老師

答泣劬見比部

答鄒南臯先生

答余少原廷尉

三 答楊原忠郡守

與趙夢白先生

與鄧允孝布衣

答韓旻臯司李

答羅匡湖給諫

答黃武臯侍御

答張居白太行

答顧良知布衣

答楊晉菴都諫

答高景逸同年

答史蓮勺侍御

與王保宇鄧丞

答王蒼坪明府

與沈芳揚太府

答吳百昌中舍

卷十 答陳可績茂才

答南二太中丞

癸亥

馮恭定全書

目錄

六

卷十六

雜著

百三別言

答王蒼坪明府

釋褐後書 辭自警二則

雪夜紀談

董揚王韓優劣

別李字高言

書周淑遠卷

渭濱別言 贈里東郊侍御

別李士占言

別河津甯董五生

渭濱別言 贈里東郊侍御

書江布衣卷

別河津甯董五生

題辭

卷十 關中四先生要語題辭

學會約題辭

莫關中士夫會約題辭

輔仁館會語題辭 朱貧士行錄題辭

跋

孟雲浦教言跋

劉孟直嶽會雜詠跋

周淑遠遊華山詩跋

馮恭定全書

目錄

理學詩選跋 山陰游學錄跋

古文輯選跋

墓表

趙明誥贈奉直大夫冀州知州東泉楊公

韓配贈宜人陸氏合葬墓表

墓誌銘

王氏女墓誌銘

卷十七

傳

河南衛輝府通判一軒劉公傳

西郭先生傳 朱貧士傳

貢士樊公傳 楊繼母傳

四先達傳 尚書雍公 給諫張公 大參李公 尚書劉公

蕭沈二先生傳

祭文書

祭王蓮塘太史文 祭許封翁文

祭姚西郭先生文 祭孟雲浦先生文

學會公祭王經軒文

馮恭定全書 目錄

祭韓旻阜郡丞文 祭伯元文

詩

關中四先生詠 涇野呂先生 谿田馬先生 苑谷韓先生 斛山楊先生

祭觀書吟 善利圖

自省吟 讀書

丙申春日與同志論學因及莫春章有

有感為賦十二絕

勉學 讀書 讀易復卦

答友人問坐馳 讀割烹章

公余自戊戌臥病閉關九年至丙午冬始
勉赴學會感而賦此

偶書

卷十八
戊申莫春偕王惟大郡丞宜化汝刺史
劉孟直郡丞楊工載進士周淑遠大
叅張去浮學博宜叔尚文學講學太
華山中同志至三百餘衆

讀敷何章示門人

讀陋巷章自勗

中和吟六言十絕

馮恭定全書

目錄

九

夏日郊居有以腴田求售者余辭去賦

此志喜

寄懷鄒南臯先生

與同志講學太華書院

卷十八

奏疏

論劾險佞科臣疏

請修朝政疏

請告疏

公移

申飭放闕行蒲臺縣

禁革吏承夙弊行五道及二運司

稽察承差行真定縣

嚴催掣鹽行山東運司

剔除奸蠹行蒲臺縣

破積弊開自新以正鹽法行山東范運

大同

發山東運司告示彙

尊崇名賢行在平縣

馮恭定全書

目錄

優禮名賢行泰安州

清理鹽法行山東運司

又

尊高年以重名教行齊東縣

杜山東運司問過路上陳偉器詳

表隱德以勵世風行分守濟南道

卷十九

族譜

例義

世傳

外傳

譜訓

卷二十

家乘

誥命

誌銘傳表

贊

名宦鄉賢志傳公移

卷二十一

關學編

馬恭定全書

目錄

士

家大人橐自已丑至壬子按臺畢公序
而刻之已行世久矣癸丑至辛酉夏余
小子恐其散逸各以類附刻焉

覽者鑒之

不肖仲男嘉年書

